

植物名實圖考

植物名實圖考卷之十二

固始吳其濬著

蒙自陸應穀校刊

隰草類

翻白草

雁來紅

金銀草

莠

銀絲苗

蔓蒿

白蒿

紫香蒿

莖莖菜

犁頭草 三圖

毛白菜 二圖

小蟲兒卧單

地耳草

野艾蒿 二圖

野同蒿 二圖

大蓬蒿

牛尾蒿 二圖

柳葉蒿

扯根菜

矮桃

龍芳草

滿天星

水養衣

地角兒苗

雞眼草

狗蹄兒

米布袋

雞兒頭苗

雞兒腸

鹹蓬

犍牛兒苗

沙蓬

沙消

水棘針

鐵掃帚

刀尖兒苗

山藤

六月菊

佛指草

鯽魚鱗

婆婆刺

野粉團兒

狗掉尾苗

猪尾把苗

螺屬兒

兔兒酸

米蒿

鐵桿蒿

花蒿

兔兒尾苗

虎尾草

兔兒傘

柳葉菜

裴薺根

繡黃兒

土團兒

大蓼

金瓜兒

牛耳菜

拖白練

胡蒼耳

野蜀葵

透骨草

酸桶笋

地參

野西瓜苗

婆婆指甲菜



翻白草

翻白草救荒本草錄入云卽雞腿兒根白可食本草綱目收入
菜部考此草僅可充飢不任烹醢宜入隰草



雁來紅

救荒本草後庭花一名雁來紅人家園圃多種之葉似人莧葉其葉中心紅色又有黃色相間亦有通身紅色者亦有紫色者莖葉間結實比莧實差大其葉眾葉攢聚狀如花朵其色嬌紅可愛故以名之味甜微澀性涼採苗葉煤熟水浸淘淨油鹽調食曬乾煤食尤佳



金盞草

救荒本草金盞兒花人家園圃中多種苗高四五寸葉似初生
萵苣葉比萵苣葉狹窄而厚拊莖生葉莖端開金黃色盞子樣
花其葉味酸採苗葉燂熟水浸去酸味淘淨油鹽調食 按宋
圖經杏葉草一名金盞草生常州蔓延籬下葉葉相對秋後有
子如雞頭實其中變生一小蟲脫而能行中夏採花李時珍以
爲卽金盞花夏月結實在萼內宛如尺蠖蟲數枚蟠屈之狀故
蘇氏言其化蟲實非蟲云但此草之實不似雞頭其葉如萵苣
不應有杏葉之名未敢併入



莠

莠俗呼狗尾草救荒本草收之今北地饑年亦碾其實作飯充腹亦呼曰莠草子其莖可去贅瘤具本草綱目按說文繫傳莠草也臣鑑按字書云狗尾草也又莠禾粟下揚生莠臣鑑曰粟下揚謂禾粟實下播揚而生出於粟秕以莠爲狗尾草不審出何字書其說莠乃與稂皇同類則非似苗之草矣


地錦苗

二



地錦苗

地錦苗江西園圃平野多有春初發生莖葉似胡荽而葉末稍圓梢杈開紫花如小魚形參差偃仰跗當花中尾尖首碩有兩小瓣開合如脣花罷結角入夏漸枯 按救荒本草地錦苗生田野中小科苗高五七寸莖葉似園荽葉間開紫花結小角豆兒苗葉味苦燥熱浸淨油鹽調食卽此滇南謂之金鈞如意草一名五味草滇本草味有五故名五味性微寒祛風明目退翳消散一切風熱肺勞咳嗽發熱肝勞發熱怕冷走筋絡治筋骨疼痛痰火等症昔太華山趙道人服此藥輕身延年聰耳明目云




萋蒿

詩經言刈其萋陸璣疏萋萋蒿也其葉似艾白色長數寸高丈餘好生水邊及澤中正月根芽生旁莖正白生食之香而脆美其葉又可蒸爲茹按萋蒿古今皆食之水陸俱生俗傳能解河豚毒救荒本草謂之蒿蒿洞庭湖瀕根長尺餘居民掘而煮食之儉歲恃以爲糧與萋蒿滿地河豚欲上風景同而滋味異矣



白蒿

救荒本草白蒿生荒野中苗高二三尺葉如細絲似初生松鍼色微青白稍似艾香味微辣採嫩苗葉燂熟換水浸淘淨油鹽調食 按此白蒿是細葉者與野同蒿相類而莖黑褐色葉如絲青白相間稍長則軟弱紛披蓋初發則青老則白因陳根而生不至秋卽枯或卽以爲山茵陳宋圖經云隋州以白蒿當茵陳其所謂白蒿乃唐本草大蓬蒿非此蒿也



紫香蒿

救荒本草紫香蒿生中牟縣平野中苗高一二尺莖方紫色葉似邪蒿葉而背白又似野胡蘿蔔葉微短莖葉梢間結小青子比灰菜子又小其葉味苦採葉燂熱水浸去苦味油鹽調食

按此蒿江西平陽亦間有之紫莖亭亭凡蒿初發莖青漸老則紫此蒿初生莖卽紫與他蒿不類其葉亦似青蒿宋圖經陰地厥生鄧州順陽縣內鄉山谷味甘苦微寒無毒主療腫毒風熱葉似青蒿莖青紫色花作小穗微黃根似細辛七月採根苗用核其形狀正合

堇堇菜

九

隱草卷之十三




莖莖菜

救荒本草莖莖菜一名箭頭草生田野中苗初塌地生葉似鉞
箭頭樣而葉蒂甚長其後葉間攢葶開紫花結三瓣蒴兒中有
子如芥子大茶褐色味甘採苗葉燂熟水浸淘淨油鹽調食根葉
搗傳諸臚毒 按此草江西湖南平隰多有之或呼爲紫金鎖
又呼爲紫花地丁其結實頗似小白茄北人又呼爲小甜水茄
其葉和麪切食甚滑實老裂爲三叉子黃如栗黏於殼上漸次
黑落俚醫用根治火症功同地丁








犁頭草

犁頭草即董董菜南北所產葉長圓尖缺各異花亦有白紫之別又有寶劍草半邊蓮諸名而結實則同滇南謂之地草果以治目疾乳腫滇南本草地草果味辛酸性微溫入肝經走陽明破血氣舒鬱結風火眼暴赤疼痛祛風退翳蓋肝氣結而翳成散結則雲翳自退但肝實可用肝虛忌之紫花者治奶頭疼痛或小兒吹著或身體壓注乳汁不通頭痛怕冷發熱口乾身體困倦乳頭乳傍紅腫脹硬地草果二錢天花粉一錢川芎錢半青皮五分北柴胡一錢白芷一錢金銀花一錢甘草節五分水酒煎服治目疾赤腫用白花綠花地草果一錢川芎一錢白蒺藜一錢木賊五分穀精草一錢白菊一錢支子一錢蟬退一錢引用羊肝一片

山西通志如意草一名箭頭草象葉形也夏開紫花似指甲

草而小有香土人嘗採蒸麥飯結實三稜似瓜形如豆大熟則殼分三角中各含子十餘粒如栗大色蒼黃根似遠志味苦辛近醫多採葉陰乾以末塗惡瘡效





毛白菜

毛白菜江西湖南多有之初生鋪地如芥菜長葉深齒白毛茸茸夏間抽莖抱莖生葉攢附而上梢間發小枝開淡紫花全似馬蘭稍大俚醫以根葉同肉煮服治吐血按救荒本草毛連

菜一名常十八生田野中苗初塌地生後攢莖又高二尺許葉似刺薊葉而長大稍尖其葉邊褶曲皺上有澀毛梢間開銀褐花味微苦採葉燂熱水浸淘洗油鹽調食形狀極肖又天祿識餘草花中有名長十八者元葛邏祿迺賢燕上曲云雙鬟小女玉娟娟自捲瓊簾出帳前忽見一枝長十八折來簪在帽簷邊




下註曰長十八草花名余至塞外果有是花未知卽此否



小蟲兒臥單

救荒本草小蟲兒臥單一名鐵線草苗場地生葉似星宿葉而極小又似雞眼草葉亦小其莖色紅開小紅花苗味甜採苗葉燂熟水浸淘淨油鹽調食 按小蟲兒臥單固始呼爲小蟲兒蓋直隸呼爲雀兒頭李時珍本草綱目入嘉祐本草地錦下併入有名未用別錄地朕援據本草拾遺地朕一名地錦一名地際蔓延著地葉光淨露下有光又引掌禹錫曰地錦草生近道田野出滁州者尤佳葉細弱蔓延於地莖赤葉青紫色夏中茂盛開紅花結細實取苗子用之狀極相類而李時珍所說則是

奶花草二種皆有地生小蟲兒臥單莖細葉稀無白汁花不黃
非一草也形狀未符主治俱不載以俟考山西通志地錦一名
草血竭一名雀兒單潞人稱爲小蟲兒臥單此草既有草血竭
之名則治血症應效



地耳草

地耳草一名斑鳩窩一名雀舌草生江西田野中高三四寸叢生葉如小蟲兒臥單葉初生甚紅葉皆抱莖上聳老則變綠梢端春開小黃花按野菜譜有雀舌草狀亦相類或卽此

野艾蒿





野艾蒿

救荒本草野艾蒿生田野中苗葉類艾而細又多花又葉有艾香味苦採葉燂熟水淘去苦味油鹽調食 按此蒿與大蓬蒿相類而莖葉白似艾

植物名實圖考

野同蒿

干

隰草卷之士





野同蒿

按荒本草野同蒿生荒野中苗高二三尺莖紫赤色葉似白蒿色微青黃又似初生松針而茸細味苦採嫩苗葉煤熟換水浸淘淨油鹽調食 按野同蒿卽蓬蒿陸璣詩疏藻一種莖大如釵股葉如蓬蒿謂之聚藻此蒿莖葉青綠一色而葉細如絲正與水藻相似湖南亦謂之青蒿云功用勝於似黃蒿之青蒿李時珍以同蒿菜爲蓬蒿殊誤

大蓬蒿



大蓬蒿

救荒本草大蓬蒿生宿縣山野中莖似黃蒿莖色微帶紫葉似
山芥菜葉而長大極多花又似風花菜葉又亦多又似漏蘆
葉卻微短開碎瓣黃花苗葉味苦採葉燂熟水浸淘去苦味油
鹽調食





牛尾蒿


牛尾蒿詩經賦蕭艾是陸璣疏蕭荻今人所謂荻蒿者是也或云牛尾蒿似白蒿白蒿莖葉科生多者數十莖可作燭有香氣故祭祀以蕭艾之屬者許慎以爲艾蒿非也郊特牲云旣奠然後饔蕭合粢蕭者艾也 陸璣疏蕭荻郭注卽蒿蓋牛尾蒿初生時與蕭葉同唯一莖葉生穗枝秋時枝上發短葉橫斜欹舞如短尾隨風故俗呼以款名之其莖直硬與蓼蒿同爲燭桿之用李時珍以陸疏萃爲牛尾蒿與今本不同鄭漁仲以牛尾蒿爲青箱子大誤

爾雅正義萃蕭蕭注今蕭蒿也初生亦可食正義此別蒿之類也萃一名蕭蕭小雅云呦呦鹿鳴食野之萃鄭箋以爲蕭蕭疏引陸績疏云葉青白色莖似蓍而輕脆始生時可生食又可蒸食又正義爲蒿之別種俗呼爲牛尾蒿或以爲卽今白蒿非也又正義卽蒿正義詩疏引李巡云萩一名蕭天官甸師云祭祀共蕭茅杜子春以爲蕭香蒿也後鄭謂詩所云取蕭祭脂郊特牲云蕭合黍稷臭陽達於牆屋故旣薦然後燔蕭爲馨香者是蕭之謂也又鄭注郊特牲云蕭蕭蒿也染以脂合黍稷燒之生民詩疏云宗廟之祭以香蒿合黍稷燒此香蒿以合其馨香

之氣是蕭爲蒿之類也。然則本誤作荻唐石經作荻釋文荻音秋今改正案荻與蒿人疏引王度記云士以蕭庶人以艾白虎通義亦引之是蕭與艾定爲二物也蕭艾皆香草而離騷云何昔日之芳草今直爲此蕭艾也蓋蕭可以焚艾可以灸古之長育羣材者芳草各有其用而采蕭采艾亦各以其時今不辨其爲芳草而與蕭艾並見燒薙故騷人歎之說楚辭者不達其意以蕭艾爲惡草誤矣管子地員篇云并下於蕭蕭下於薙辨庶草者固各有其等差也

說文解字注蕭艾蒿也大雅取蕭祭脂郊特牲炳蕭合馨香故

毛公曰蕭所以共祭祀鄭君曰蕭薌蒿也陸璣曰今人所謂萩蒿也或曰牛尾蒿許慎以爲艾蒿非也按陸語非是此物蒿類而似艾一名艾蒿許非謂艾爲蕭也齊高帝云蕭卽艾也乃爲誤耳又按曹風傳曰蕭蒿也此統言之諸家云薌蒿艾蒿者析言之從草蕭聲蕭彫切古音在三部音脩亦與蕭同音通用句師共蕭茅杜子春讀蕭爲蕭蕭牆蕭斧皆訓蕭萩蕭也從草秋聲七由切三部古多以萩爲楸如左氏傳伐雍門之萩史漢河濟之間千樹萩是也



柳葉蒿

柳葉蒿莖長二尺許色青心實不類蒿葉面青背白長而狹有尖齒頂端葉單似柳以下葉漸分三歧或四歧味清香似艾生嶽麓山秋開花如粟與他蒿同

本草綱目

正銀茶

卷之五



扯根菜

救荒本草扯根菜生田野中苗高一尺許莖赤紅色葉似小桃紅葉微窄小色頗綠又似小柳葉亦短而厚窄其葉週圍攢莖而生開碎瓣小青白花結小花蒴似蒺藜樣葉苗味甘採苗葉燂熟水浸淘淨油鹽調食 按此草湖南坡隴上多有之俗名矮桃以其葉似桃葉高不過二三尺故名俚醫以爲散血之藥



矮桃 又一種

矮桃生湖南頗似扯根菜三葉攢生柔厚尖長梢間青白小五瓣花成穗土人以爲卽扯根菜一類故俱呼矮桃



龍芽草

救荒本草龍芽草一名瓜香草生輝縣鴨子口山野間苗高尺餘莖多纏毛葉如地棠葉而寬大葉頭齊圓每五葉或七葉作一莖排生葉莖腳上又有小芽葉兩兩對生梢間出穗開五瓣小圓黃花結青毛蒴莢有子大如黍粒味甜收子或搗或磨作麪食之 按此草建昌呼爲老鸛嘴廣信呼爲子母草湖南呼爲毛腳茵以治風痰腰痛考本經蛇含陶隱居云用有黃花者李時珍以爲卽小龍芽或卽此草但圖經未甚詳晰方藥久不採用仍入草藥以見禮失求野之義滇南本草謂之黃龍尾味

苦性溫治婦人月經前後紅崩白帶面寒腹痛赤白痢疾杭芍二錢
川芎一錢五分香附一錢紅花二錢黃龍尾三錢行經紫黑加
蘇木黃芩腸痛加延胡小茴白帶加白芷木瓜赤帶加土茯苓
赤木通蛇果草八仙草甘草

滿
天
星



滿天星

滿天星生水濱處處有之綠莖鋪地花葉俱類旱蓮草葉小而花密爲異但醫以洗無名腫毒按此荒本草耐驚菜一名蓮子草以其花之萼莢狀似小蓮蓬樣故名生下濕地中苗高一尺餘莖紫赤色對生莖叉葉似小桃紅葉而長梢間開細瓣白花而淡黃心葉味苦採苗葉燂熟油鹽調食核其形味卽此

水蓼衣

三

隰草卷之十二



水蓼衣

救荒本草水蓼衣生水泊邊葉似地精瓜葉而窄每葉間皆結小青蒴莢其葉味苦採苗葉燂熱水浸淘去苦味油鹽調食

按此草江西沙洲多有之唯葉間青蒴莢畧帶淡紅色余取破之其中皆有一小蟲踞伏其中南方濕熱草木蘊結化生蟲蠱不可細詰故挑野菜者絕少不似北地黃壤幾於草根樹皮皆成野蔬也又小說家謂有仙桃草四五月麥田中蔓生葉綠莖紅實大如椒形如桃中有一小蟲且在小暑節十五日內取之先期則無蟲後時則蟲飛出趁未坼採之烘乾研末藏以待用

一切跌打損傷服一二錢可以起死回生或云其葉煎水浴之
亦妙按狀與此草殊肖


水蓼衣

臨草卷之十二

地角兒苗

五

隰草卷之十二



地角兒苗

救荒本草地角兒苗一名地牛兒苗生田野中場地生一根就分數十莖其莖甚稠葉似胡豆葉微小葉生莖面每攢四葉對生作一處莖旁另又生莖梢頭開淡紫花結角似連翹角而小中有子狀似豇豆顆味甘採嫩角生食硬角熟食 按此草江西平野亦有之土人無識之者

雞眼草

黑草卷之十二



雞眼草

救荒本草雞眼草又名招不齊以其葉用指甲招之作劃不齊故名生荒野中塌地生葉如雞眼大似三葉酸漿葉而圓又似小蟲兒臥單葉而大結子小如粟粒黑茶褐色味微苦氣與槐相類性溫採子搗取米其米青色先用冷水淘淨卻以滾水泡三五次去水下鍋或者煮粥或作炊飯食之或磨麪作餅食亦可按江西田野中有之土人呼爲公母草其葉皆斜紋招之輒復相勾連或云中暑搗取汁涼水飲之卽愈



狗蹄兒

狗蹄兒處處平隰有之初生小葉鋪地圓如狗腳跡故名漸長
葉如長柄小匙春抽細莖開五瓣小藍花與小葉相間鄉人摘
其嫩葉茹之王簪以入野菜譜



米布袋


救荒本草米布袋生田野中苗場地生葉似澤漆葉而窄其葉
順莖排生梢頭攢結三四角中有子如黍粒大微匾味甘採角
取子水淘洗淨下鍋煮食苗葉煤熟油鹽調食亦可



雞兒頭苗

三

臨草卷之十二




雞兒頭苗

救荒本草雞兒頭苗生祥符西田野中就地拖秧生葉甚疎稀
每五葉攢生狀如一葉其葉花又有小鋸齒葉間生蔓開五瓣
黃花根又甚多其根形如香附子而鬚長皮黑肉白味甜採根
換水煮熟食



雞兒腸

救荒本草雞兒腸生中牟田野中苗高一二尺莖黑紫色葉似薄荷葉微小邊有稀鋸齒又似六月菊梢葉間開細瓣淡粉紫花黃心葉味微辣採葉煤熟換水淘去辣味油鹽調食



鹹蓬

救荒本草鹹蓬一名鹽蓬生水傍下濕地莖似落藜亦有線楊
葉似蓬而肥壯比蓬葉亦稀疏莖葉間結青子極細小其葉味
微鹹性微寒採苗葉燂熟水浸去鹹味淘洗淨油鹽調食山西
鹹地多有之

牻牛兒苗


一

馬草卷之十一



牻牛兒苗

救荒本草牻牛兒苗又名鬪牛兒苗生田野中就地拖秧而生莖蔓細弱其莖紅紫色葉似荇菜葉瘦細而稀疏開五瓣小紫花結青膏莢兒上有一嘴甚尖銳如細錐子狀小兒取以爲鬪戲菜味微苦採葉燂熟水浸去苦味淘淨油鹽調食按汜水俗呼牽巴巴牽巴巴者俗謂啄木鳥也其角極似鳥嘴因以名焉直隸謂之燙燙青言其葉焯以水則逾青云山西園中極多與苦菜莖實同秀葉味不甚苦微澀




沙蓬

救荒本草沙蓬又名雞爪菜生田野中苗高一尺餘初就地上蔓生後分莖又其莖有細線楞葉似獨掃葉狹窄而厚又似石竹子葉亦窄莖葉梢間結小青子小如粟粒其葉味甘性溫採苗葉煤熟水浸淘淨油鹽調食




沙消

沙消江西沙上多有之紫莖葉如石竹子葉而密土人以利水道其形與沙蓬相類。



水棘針


救荒本草水棘針苗又名山油子生田野中苗高一二尺莖方
四楞對分莖又葉亦對生其葉似荊葉而軟鋸齒尖葉莖葉紫
綠開小紫碧花葉味辛辣微甜採苗葉煤熟水淘洗淨油鹽調
食



鐵掃帚


救荒本草鐵掃帚生荒野中就地叢生一本二三十莖苗高三
四尺葉似苜蓿葉而細長又似細葉胡枝子葉亦短小開小白
花其葉味苦採嫩苗葉燂熟換水浸去苦味油鹽調食爾雅正
義并馬帚註似著可以爲掃帚正義并一名馬帚夏小正云七
月并秀并也者馬帚也廣雅云馬帚屈馬第也管子地員篇云
蔓下於并註似著至掃帚正義說文云著蒿屬生千歲三百莖
按并草似著則亦蒿屬也李時珍云此卽蒿草謂其可爲馬刷
故名馬帚今河南人謂之鐵掃帚

李以并爲鐵掃帚極肖又云卽蒺也殊誤無蒿草之說



刀尖兒苗

救荒本草刀尖兒苗生密縣梁家衝山野中苗高二三尺葉似細柳葉硬而細長而尖葉皆兩兩拊莖對生葉間開淡黃花結尖角兒長二寸許麓如蘿蔔角中有白穰及小匾黑子其葉味甘採葉燂熟水淘洗淨油鹽調食




山蓼

救荒本草山蓼生密縣山野間苗高一二尺葉似芍藥葉而長細窄又似野菊花葉而硬厚又似水胡椒葉亦硬開碎瓣白花其葉味微辣採嫩葉燂熟換水浸去辣氣作成黃色淘洗淨油鹽調食




六月菊

救荒本草六月菊生祥符西田野中苗高一二尺莖似鐵桿蒿
莖葉似雞兒腸葉但長而澀又似馬蘭頭葉而硬短梢葉間開
淡紫花葉味微酸澀採葉煤熟水浸去澀味油鹽調食



佛指甲

救荒本草佛指甲科苗高一二尺莖微帶赤黃色其葉淡綠背
皆微帶白色葉如長匙頭樣似黑豆葉而微寬又似鵝兒腸葉
甚大皆兩葉對生開黃花結實形如連翹微小中有黑子如小
粟粒其葉甜可食按本草綱目誤以爲卽景天其花實絕不相
類



鮑魚鱗

救荒本草鮑魚鱗生密縣韶華山山野中苗高一二尺莖方而
茶褐色對分莖又葉亦對生葉似雞腸菜葉頗大又似桔梗葉
而微軟薄葉面卻微紋皺梢間開粉紅花結子如小粟粒而茶
褐色其菜味甜採葉煤熟水浸淘淨油鹽調食

婆婆納

三

熙草卷之十三



婆婆納

救荒本草婆婆納生田野中苗場地生葉最小如小面花繁兒狀類初生菊花芽葉又圓邊微花如雲頭樣味甜採苗葉燂熟水浸淘淨油鹽調食



野粉團兒

救荒本草野粉團兒生田野中苗高一二尺莖似鐵桿蒿莖葉似獨掃葉而小上下稀疎枝頭分叉開淡白花黃心味甜辣採嫩苗葉煤熟水浸淘淨油鹽調食




狗掉尾苗

救荒本草狗掉尾苗生南陽府馬鞍山中苗高二三尺拖蔓而生莖方色青其葉似歪頭菜葉稍大而尖鋸色深綠紋脈微多又似狗筋蔓葉梢間開五瓣小白花黃心衆枝攢開其狀如穗葉味微酸採嫩葉燂熟水浸去酸味淘淨油鹽調食

猪尾把苗

齋

隔草卷之十二



猪尾把苗

救荒本草猪尾把苗一名狗腳菜生荒野中苗長尺餘葉似甘露兒葉而甚短小其頭頗齊莖葉皆有細毛每葉間順條開小白花結小蒴兒中有子小如粟粒黑色苗葉味甜採嫩葉燂熟換水浸淘淨油鹽調食子可搗爲麪食



螺麤兒

救荒本草螺麤兒一名地桑又名痢見草生荒野中莖微紅葉似野人莧葉微長窄而尖開花作赤色小細穗兒其葉味甘採苗葉燂熟水浸淘去邪味油鹽調食

兔兒酸

五十六

隰草卷之十二



兔兒酸

救荒本草兔兒酸一名兔兒漿所在田野中皆有之苗比水荳
矮短莖葉皆類水荳其莖節密其葉亦稠比水荳葉稍薄小味
酸性寒無毒採苗葉燂熟以新汲水浸去酸味淘淨油鹽調食

米蒿



米蒿

救荒本草米蒿生田野中所在處處有之苗高尺許葉似園葵
葉微細葉叢間分生莖又梢上開小青黃花結小細角似葶藶
角兒葉味微苦採嫩苗葉燂熟水浸過淘淨油鹽調食




鐵桿蒿

救荒本草鐵桿蒿生田野中苗莖高二三尺葉似獨掃葉微肥短又似扁蓄葉而短小分生莖又梢間開淡紫花黃心葉味苦採葉燂熟淘去苦味油鹽調食

花蔺

五

陽草卷之十三




花蒿

救荒本草花蒿生荒野中花葉就地叢生葉長三四寸四散分
垂葉似獨掃葉而長硬其頭頗齊微有毛澀味微辛採葉燂熟
水浸淘淨油鹽調食

兔兒尾苗

六

照草卷之十二




兔兒尾苗

救荒本草兔兒尾苗生田野中苗高一二尺葉似水蓼葉而短其目大其葉微酸採嫩苗葉燂熱水浸淘淨油鹽調食



虎尾草

救荒本草虎尾草生密縣山谷中科苗高二三尺莖圓葉頗似柳葉而瘦短又似兔兒尾葉亦瘦窄又似黃精葉頗軟拈莖攢生味甜微澀採苗葉煤熟換水淘去澀味油鹽調食



兔兒傘

救荒本草兔兒傘生滎陽塔兒山荒野中其苗高二三尺許每
科初生一莖莖端生葉一層有七八葉每葉分作四叉排生如
傘蓋狀故以爲名後於葉間擲生莖又上開淡紅白花根似牛
膝而疎短味苦微辛採嫩葉燂熟換水浸淘去苦味油鹽調食



柳葉菜

救荒本草柳葉菜生中牟荒野中科苗高二尺餘莖似蒿莖葉似柳葉而短拊莖而生開小白花銀褐心其葉味微辛採嫩葉煤熟水浸淘淨油鹽調食

菽蓿根

限草卷之十二



菽蓿根

菽荒本草菽蓿根俗名麴碌礪生水邊下濕地其葉就地叢生
葉似蒲葉而肥短葉背如劍脊樣葉叢中間攏莖上開淡粉紅
花俱皆六瓣花頭攢開如傘蓋狀結子如韭花膏莢其根如鷹
爪黃連樣色如堊泥色味甘採根搯去皺及毛用水淘淨蒸熟
食或曬乾炒熟食或磨作麴蒸食皆可

綿棗兒

六

限草卷之十三



綿棗兒

救荒本草綿棗兒一名石棗兒出峽縣山谷中生石間苗高三
五寸葉似韭葉而闊瓦隴樣葉中擷莖出穗似雞冠莖穗而細
小開淡紅花微帶紫色結小蒴兒其子似大藍子而小黑色根
類獨顆蒜又似棗形而白味甜性寒採取根添水久煮極熟食
之不換水煮食後腹中鳴有下氣



土園兒

救荒本草土園兒一名地栗子出新鄭山野中細莖延蔓而生
葉似菜豆葉微尖觚每三葉橫生一處根似土瓜兒根微團味
甜採根煮熟食之

大藜

花

臨草卷之十二



大蓼

救荒本草大蓼生密縣梁家衝山谷中拖藤而生莖有線楞而
頗硬對節分生莖又葉亦對生葉似山蓼葉微短拳曲節間開
白花其葉味苦微辣採葉燂熟換水浸去辣味作成黃色淘洗
淨油鹽調食花亦可燂食

金瓜兒

六

隱草卷之十三



木瓜兒

救荒本草木瓜兒生鄭山田野中苗初生似小葫蘆葉而微小
又似赤雹兒葉莖方莖葉俱有毛刺每葉間出一細藤延蔓而
生開五瓣尖碗子黃花結子如馬陵大生青熟紅根形如雞彈
微小其皮土黃色內則青白色味微苦性寒與酒相反搗取根
換水煮浸去苦味再以水煮極熟食之



牛耳朵

救荒本草牛耳朵一名野芥菜生田野中苗高一二尺苗莖似
蒿苣葉似牛耳朵形而小葉間分攏葶又開白花結子如棗粒
大葉味微苦辣採苗葉淘洗淨燂熟油鹽調食

拖白練

七十

熙草卷之十三




拖白練

救荒本草拖白練苗生田野中苗場地生葉似垂盆草葉而又小葉間開小白花結細黃子其葉味甜採苗葉燂熟油鹽調食




胡蒼耳

救荒本草胡蒼耳又名回回蒼耳生田野中葉似阜茨葉微長大又似望江南葉而小頗硬色微淡綠莖有線楞結實如蒼耳實但長觔味微苦採嫩苗葉煤熟水浸去苦味淘淨油鹽調食今人傳說治諸般瘡採葉用好酒熬喫消腫



野蜀葵

救荒本草野蜀葵生荒野中就地叢生苗高五寸許葉似葛勒
子秧葉而厚大又似地牡丹葉味辣採嫩葉煤熟水浸淘淨油
鹽調食



透骨草


救荒本草透骨草一名天芝藤生中牟荒野中苗高三四尺莖
方底面四楞其莖腳紫對節分生莖又葉似蘭蒿葉而多花又
葉皆對生莖節間攢開粉紅花結子似胡麻子葉味苦採嫩苗
葉煤熟水浸去苦味淘淨油鹽調食今人傳說採苗搗傳腫毒
本草綱目透骨草治筋骨一切風濕疼痛攣縮寒濕腳氣孫氏
集效方治癘風遍身瘡癰用透骨草苦參大黃雄黃各五錢研
末煎湯於密室中席圍先熏至汗出如雨淋洗之普濟方治反
胃吐食透骨草獨科蒼耳生牡蠣各一錢薑三片水煎服楊誠

經驗方治一切腫毒初起用透骨草漏蘆防風地榆等分煎湯
綿蘸乘熱不住盪之二三日卽愈



酸桶笋

救荒本草酸桶笋生密縣韶華山山澗邊初發笋葉其後分生
莖又科苗高四五尺莖桿似水荳莖而紅赤色其葉似白槿葉
而澀又似山格刺菜葉亦澀紋脈亦龜味甘微酸採嫩笋葉燂
熱水浸去邪味淘淨油鹽調食



地參


救荒本草地參又名山蔓菁生鄭州沙崗間苗高一二尺葉似
初生桑科小葉微短又似桔梗葉微長開花似鈴鐺樣淡紅紫
花根如拇指大皮色蒼內黧白色味甜採根煮食



婆婆指甲菜

三

熙草卷之十三



婆婆指甲菜

婆婆指甲菜救荒本草生田野中作地那科生莖細弱葉像女人指甲又似初生棗葉微薄梢間結小花蒴苗葉味甘採嫩苗葉煤熟油鹽調食 按江西俗呼瓜子草或云可清小便熱症